



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ
ՎԱՐՉԱԿԱՆ ԱԿՏ N 1508490
ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ԵՎ
ԳԱՆՁՄԱՆ ԱՌԱՋԱԴՐՄԱՆ ՎԵՐԱԲԵՐՅԱԼ

15 հունիսի 2020թ.

Բ. Երևան
(կազմման վայրը)

Ակտի հասցեատեր

Ա/Ձ Հասմիկ Պողոսյան

(անհատ ձեռնարկատիրոջ անունը, ազգանունը (անհատ ձեռնարկատեր նշումով) կամ իրավաբանական անձի անվանումը)

7	6	8	5	1	9	9	7
---	---	---	---	---	---	---	---

(հարկ վճարողի հաշվառման համարը՝ ՀՎՀՀ-ն)

Վայոց Ձորի մարզ, Շատին, 6փող. 5

(անհատ ձեռնարկատիրոջ հաշվառման հասցեն կամ իրավաբանական անձի գրեկտիվ վայրի հասցեն)

Խախտման նկարագրությունը

ՀՀ ՊԵԿ ՀՕՀՎ պետի 29.04.2020թ-ի թիվ 1508490 որոշման համաձայն Ա/Ձ Հասմիկ Պողոսյանի նկատմամբ իրականացված օպերատիվ հետախուզական միջոցառումների արդյունքում պարզվել է, որ անհատ ձեռնարկատերը 19.02.2020թ-ից իրականացրել է սերմերի, պարարտանյութերի և թունաքիմիկատների մեծածախ վաճառք: 2020թ-ի փետրվար և մարտ ամիսների ընթացքում Ա/Ձ Հասմիկ Պողոսյանը իրականացրել է ընդհանուր 5.395.385 ՀՀ դրամ արժողությամբ թունաքիմիկատների մեծածախ վաճառք:

Վերոգրյալը հաստատվել է նաև Ա/Ձ Հասմիկ Պողոսյանի տրված գրավոր հայտարարությամբ, միաժամանակ վերջինս հայտնել է, որ թունաքիմիկատների վաճառքի դեպքում լիցենզիան կամ թույլտվությունը տրվում է միայն մանրածախ առևտրակետ ունենալու պարագայում, ինչպես նաև պահեստային տարածք ունենալու և այնտեղից վաճառք իրականացնելու համար: Հաջորդիվ անհատ ձեռնարկատերը հայտնել է, որ չունի մանրածախ վաճառքի կետ և պահեստային տարածք ուստի օրենքով իրեն լիցենզիա կամ թույլտվություն պետք չէ:

Թիվ 1508490 արձանագրությամբ 20.05.2020թ. հարուցվել է վարչական վարույթ: Կողմը, պատշաճ ծանուցված լինելով, չի ներկայացել վարչական վարույթին: Գործում առկա չեն լրացուցիչ ապացույցներ, չեն ներկայացվել միջնորդություններ:

«Գործունեության իրականացման ծանուցման մասին» ՀՀ օրենքի 22-րդ հոդվածի 1-ին մասի համաձայն՝ գործունեությունը համարվում է ծանուցման ենթակա, եթե այն ընդգրկված է սույն հոդվածի աղյուսակում:

Նշված աղյուսակի 2-րդ կետի 3-րդ ենթակետում ընդգրկված է բույսերի պաշտպանության *քիմիական* և կենսաբանական *միջոցների* արտադրություն և (կամ) վաճառք:

Վերլուծելով վկայակոչված նորմը և անդրադառնալով Ա/Ձ Հասմիկ Պողոսյանի կողմից ներկայացված հայտարարությանը վարչական վարույթ իրականացնող մարմինը արձանագրում է հետևյալը՝ վկայակոչված նորմը չի տարանջատում մեծածախ և մանրածախ վաճառքը, ինչպես նաև օրենքով չի սահմանվում պահեստային տարածք ունենալու և այնտեղից վաճառք իրականացնելու հանգամանքը, ուստի անհատ ձեռնարկատիրոջ կողմից ներկայացված փաստերը անհիմն են և չեն կարող հիմք հանդիսանալ վերջինիս նկատմամբ պատասխանատվության միջոցներ չկիրառելու համար:

Այսպիսով, նկարագրված արարքն առաջացնում է պատասխանատվություն՝ ՀՀ հարկային օրենսգրքի 408-րդ հոդվածի 1-ին մասով ըստ որի՝ ...«Օպերատիվ-հետախուզական գործունեության մասին» Հայաստանի Հանրապետության օրենքով սահմանված կարգով իրականացվող օպերատիվ-հետախուզական միջոցառումների արդյունքում հայտնաբերված՝ «Լիցենզավորման մասին» Հայաստանի Հանրապետության օրենքին համապատասխան լիցենզավորման ենթակա գործունեությունն առանց լիցենզիայի իրականացնելու «Գործունեության իրականացման ծանուցման մասին» Հայաստանի Հանրապետության օրենքին համապատասխան ծանուցման ենթակա գործունեությունն առանց ծանուցման իրականացնելու դեպքում գործունեության յուրաքանչյուր տեսակի մասով կազմակերպությունից կամ անհատ ձեռնարկատիրոջից գանձվում է տուգանք՝ լիցենզիայի կամ թույլտվության տրման կամ ծանուցման ենթակա գործունեությամբ զբաղվելու իրավունք ձեռք բերելու համար օրենքով սահմանված պետական տուրքի դրույքաչափի տասնապատիկի չափով, բայց ոչ պակաս 500 հազար դրամից:

Միևնույն ժամանակ, համաձայն ՀՀ հարկային օրենսգրքի 408-րդ հոդվածի 3-րդ մասի, սույն հոդվածի 1-ին և 2-րդ մասերով սահմանված խախտումներ հայտնաբերվելու դեպքերում խախտումներ կատարած կազմակերպությունից կամ անհատ ձեռնարկատիրոջից գործունեության յուրաքանչյուր տեսակի մասով գանձվում է նաև լիցենզիան տալու կամ ծանուցման ենթակա գործունեությամբ զբաղվելու իրավունք ձեռք բերելու համար օրենքով սահմանված պետական տուրքի (տարեկան պետական տուրքի գանձման օբյեկտի դեպքում՝ մեկ տարվա պետական տուրքի) դրույքաչափին համապատասխան գումարի չափով վնասի հատուցում:

«Պետական տուրքի մասին» ՀՀ օրենքի 20.1 հոդվածով սահմանվում են ծանուցման ենթակա գործունեությամբ զբաղվելու իրավունք ձեռք բերելու համար պետական տուրքի դրույքաչափերը: Նշված հոդվածի 1-ին մասով սահմանված աղյուսակի 1-ին կետի 4-րդ

ենթակետի համաձայն բույսերի պաշտպանության քիմիական և կենսաբանական միջոցների արտադրության և (կամ) վաճառքի իրականացման իրավունք ձեռք բերելու համար ֆիզիկական անձանցից պետական տուրքը գանձվում է՝ տարեկան բազային տուրքի 10-ապատիկի չափով:

«Պետական տուրքի մասին» ՀՀ օրենքի 8-րդ հոդվածի համաձայն պետական տուրքի դրույքաչափերը սահմանվում են գնահատման ենթակա գույքի արժեքի կամ սույն օրենքով սահմանված բազային տուրքի նկատմամբ: Բազային տուրքի չափ է սահմանվում 1.000 դրամը:

Տվյալ դեպքում Ա/Ձ Հասմիկ Պողոսյանի կողմից խախտումը վերջին 1 տարվա ընթացքում կատարվում է առաջին անգամ: Նշված գործունեությամբ զբաղվելու իրավունք ձեռք բերելու համար պետական տուրքը հաշվարկվում է 10.000 ՀՀ դրամ, որի տասնապատիկը կազմում է 100.000 ՀՀ դրամ, ուստի օրենսդրական պահանջից ելնելով Ա/Ձ Հասմիկ Պողոսյանի նկատմամբ կիրառելի է 500.000 ՀՀ դրամ տուգանք և 50.000 ՀՀ դրամ գումարի չափով վնասի հատուցում:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի 28.08.2019թ. N 562-Լ հրամանով.

Որոշեցի

- Հաշվարկել և Ա/Ձ Հասմիկ Պողոսյանին գանձման առաջադրել 500.000 ՀՀ դրամի չափով տուգանք ինչպես նաև՝ 50.000 ՀՀ դրամ ծանուցման ենթակա գործունեությամբ զբաղվելու իրավունք ձեռքբերելու համար օրենքով սահմանված պետական տուրքի գումարի չափով վնասի հատուցում, որպես հարկային պարտավորություն համաձայն ստորև ներկայացված աղյուսակի՝

	Վճարման ենթակա գումար (դրամ)	Վճարման ուղղությունը	հաշվի համարը
Հարկային օրենսգրքի 408-րդ հոդվածի 1-ին մասով սահմանված տուգանք ընդամենը, որից՝	500.000	X	X
Հարկային օրենսգրքի 408-րդ հոդվածի 3-րդ մասով սահմանված վնասի հատուցում՝	50.000	X	X
Ընդամենը վճարման ենթակա գումար	550.000	պետական բյուջե	900008000490

2.Ընդունելի գիտություն՝

- 1) Սույն վարչական ակտն օրենքով սահմանված ժամկետում անբողոքարկելի դառնալուց հետո՝ օրենքով սահմանված ժամկետում վարչական ակտով առաջադրված տուգանքը չվճարվելու դեպքում, ենթակա է հարկադիր կատարման:
- 2) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:
- 3) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:
- 4) Սույն վարչական ակտը կազմվել է երեք օրինակից:

ԻՎ պետ Ա. Մնացականյան

Վարչական ակտն ընդունող պաշտոնատար անձի
պաշտոնը, անունը և ազգանունը

Կ.Տ.



ստորագրությունը

Ստացա ակտի մեկ օրինակը

ընդամենը 4 էջ

Ա/Ձ Հասմիկ Պողոսյան

Ֆիզիկական անձի անունը, ազգանունը
(անհատ ձեռնարկատիրոջ դեպքում՝ անհատ
ձեռնարկատեր նշումով) իրավաբանական անձի գործադիր
մարմնի ղեկավար (գրագրության ընդունման համար
պատասխանատու անձ՝ հարուկ առաքման դեպքում)

ստորագրությունը

„_____”

2020թ.